



**Ariel Henry-i Haiti ato kilonser
menden azüngtsüogo**

**CAA dak sendakba nung Amit Shah-i
Congress aitsü**

VOL. XXI ISSUE NO. 150 (ADOK 150) DIMAPUR RASEMNÜ (WEDNESDAY) METSÜREMI (MARCH) 13, 2024 ₹ 5.00

Ozung alema shimokba JSCO tem anentsür

Kohima, March 12, 2024 (TYO): Combined Technical Association of Nagaland, Nagaland Library Association, Association of Electronics & Communication Engineering Nagaland, Agri. Engg. Graduate's Association of Nagaland, Nagaland Dental Welfare Association aser Horticultural Graduates & Students Association of Nagaland aden.

Mongulbarnü Directorate of Soil and Water Conservation, Kohima kima nung CTAN-i anir telok balalai lungkak aitba sülen iba lemetet agia liasü.

Iba sentong nung Graduate Electrical Engineers Association of Nagaland, Civil Engineers Association of Nagaland, Association of Mechanical Engineers Nagaland, Forestry Graduates' Association Nagaland, Computer Science & Information Technology Engineers Association of Nagaland, Agricultural Students'

Association of Nagaland, Nagaland Library Association, Association of Electronics & Communication Engineering Nagaland, Agri. Engg. Graduate's Association of Nagaland, Nagaland Dental Welfare Association aser Horticultural Graduates & Students Association of Nagaland aden.

CTAN-i March 11, 2024 tashi nung ozung alema shimokba JSCO tem mapa nungi anentsüsü akhangba ama meinyakba agi CTAN-i Directorate of Soil and Water Conservation shibangtsüogo lemetet.

Directorate-i JSCO tem mapa nungi anentsüsü lemetetba atema pelar aser iba ajanga lungkak aitba anener aser Directorate of Soil and Water Conservation nem tenüngsang agütsür, ta CTAN-i metedaktsü.

ENSF-i Rajya Sabha MP o MLA ajak jaoker

Dimapur, March 12, 2024 (TYO): Eastern Naga Students' Federation (ENSF)-i Rajya Sabha MP aser Eastern Nagaland MLA ajak March 14, 2024 anüngdang tashi nung Tuensang Headquarters atongtsü tetuyuba agütsüogo.

March 12, 2024 nikongdang 6:00 ako nungi March 14, 2024 ashi.

anüngdang 12:00 ako tashi nungi Tuensang Hq. atongtsüla ta ENSF-i metedaktsüogo.

Rajya Sabha MP aser MLA 20 Tuensang tonga maru tashi Tuensang nung aliba teloktem, kin hohotem aser ENPO ketdangpur ajak alitsü tetuyuba agütsür ta ENSF-isa ashi.

NSF-i NESO den küleme CAA rules rongdoka lungkak ait



Kohima, March 12, 2024 (TYO): Centre-i Citizenship Amendment Act (CAA) mapa tenzükba anema Naga Students' Federation (NSF) aser North East Students' Organization (NESO)-i Naga Solidarity Park, Kohima nung CAA Rules rongdoka lungkak aitogo.

Mongulbarnü North East Students' Organisation (NESO) lenisüba kubok Northeastern State ajak nung lungkak aita liasü.

Tanü northeast nung lisopurtem asoshi lendong tulutibaji ozung alema arurtem lir ta NESO Secretary General Mutsikhoyo Yhobu-i ashi.

CAA kubok Nagaland madener saka Assam o Tripura nung mapa inyakba ajanga northeast ajunga nung kongshitsü ta Yhobu-i ashi.

CAA mapa tenzükba ajanga NE Region nung ozung alema arurtem asüngtsü aser lisopurtem nem timtem bentsür arutsü ta paisa ashi.

Tripura (25-30%) aser

Assam (30-35%) nung lisopurtem nübo tajemba kümogo. Dimapur nunga Naga nunger tajemba kümogo aser ibaji nütsüng yongsük 20-25% shi dang lir, ta Yhobu-i metedaktsü.

"Northeast nung CAA mapa tenzükba ajanga asenok samatsü. Kaketshir teloktemi iba Act atema tebilemtsü abener anungji NE state tem nung sorkartemi pei pei state nung kaketshirtem pusema nungitsü ayongzüker" ta paisa ashi.

"India nung lisopurtem ya kanga tongtipang aser linük tobur

ajungji NE region nung lir. Ajisüaka Centre sorkari iba kuli ya mangateter" ta Yhobu-issa ashi.

"NESO-i CAA anema lungkak aityonga arur ajisüaka sorkari iba Act yanglushir mapa tenzükba ya tejashtüka lir aser iba ya nübor tem anema lir" ta taoba NSF president Kegwayhun Tepia ashi.

NSF president Medovi Rhi-ia NESO pusemba metedaktsü aser northeastern state tem dang pei pei akokba tashi state sorkar rongshitsü ayongzük.

CAA 2019 kubok Nagaland madener

Kohima, March 12, 2024 (Agencies): Citizenship Amendment Act (CAA) 2019 ajanga Nagaland nung lisopurtem dak mekongshitsü ta Union Ministry of Home Affairs-i metedaktsüogo.

CAA 2019 nung Nagaland madentsü aser iba Act ajanga Inner Line Permit aser Indian Constitution nung Sixth

Schedule kubok aliba tesem kecha madener ta MHA-i ashi.

Iba tetezü Northeastern state ajak nung lisopur aliba tesem tem CAA kubok madentsü. Assam, Meghalaya, Mizoram aser Tripura nung lisopurtem alidak 6th Schedule lir aser Arunachal Pradesh, Nagaland, Mizoram o Manipur nung ILP mapa tenzükä lir.

Mokokchung nung mapang tatsüka akshi mangutsü

Dimapur, Mrch 12, 2024 (TYO): March 12, 2024 nü Mokokchung district nung civil society organizations-i akshi jenjang atema senden ka menogo.

Iba senden nung local akshi jenjang melatet tashi tangalen nungi Mokokchung district-i ak bener marutsü tenokdangba agütsüogo lemtet aser parnoki Mokokchung district nung

alirtem dang timtem arema atatsü mepishia metedaktsüogo.

Senden nungsa All Ward Union Mokokchung Town president-i seasonal chairman aser All Ward Union Changtongya chairman-i seasonal secretary inyaktsü shimet.

Iba senden nung All Ward Union Mokokchung Town (AWUMT), Mokokchung

Chamber of Commerce & Industry (MCCI), Mokokchung Town GBs Union, Mokokchung District GBs Association, All Ward Union Changtongya, Business Union Changtongya, All Ward Union Tuli, Business Association Tuli, Tzudikong Adhoc Town Committee aser All Ward Union Mangkolemba aden.

Naga Hospital Kohima nung Histopathology unit lapokogo

Kohima, March 12, 2024 (DIPR): Nagaland Chief Secretary J. Alam, IAS-i district tasentem indang websites sayatsüdang agiba noksa ka angur.

Chumoukedima, Niuland aser Shamator district tasentem tentetba sülen NIC-i District Administration den yaritepa websites yanglutsü tenzüka liasü.

NIC-i S3WaS aser Scalable & Sugamya (Accessible) framework amshia websites yangluogo.

Tanü sayaba website temji Noklak.nic.in, Tsemintu.nic.in, Chumoukedima.nic.in, Niuland.nic.in aser Shamator.nic.in ajanga

Development Authority of Nagaland (IDAN) Reny Wilfred, IAS-ia tesentepertem pela agizük.

Iba sentong nungsa Mokokchung nung GNM Nursing School nungi B.Sc Nursing College ajungkettsü atema Memorandum of Understanding (MoU) ka nung sign sütepogo.

Iba MoU ya Nagaland nung nursing education aser healthcare services ajungkettsü atema Doctors For You, Directorate of Health & Family Welfare Principal Director, Investment & Development

Authority of Nagaland (IDAN) Joint Secretary, Department of Health & Family Welfare Additional Secretary aser District Hospital Mokokchung Nursing School nungeri sign süogo.

MoU nung General Nursing and Midwifery (GNM) school nungi B.Sc Nursing College in Mokokchung, Nagaland ajungkettsü alizüng lir.

Public-Private Partnership (PPP) model kubok B.Sc Nursing College, Mokokchung nung menden 60 akümtsü atema MoU nungsa lateta lir.



Chief Secretary, J. Alam, IAS-i district tasentem indang websites sayatsüdang agiba noksa ka angur.

Kohima, March 12, 2024 (DIPR): Nagaland Chief Secretary J. Alam, IAS-i March 12, 2024 nü district pungu indang official websites sayatsüogo.

Deputy Director General, NIC Hqrs New Delhi aser State Coordinator for NIC Nagaland State Centre, Kohima Naveen Kumar na lia J. Alam-i Noklak, Shamator, Tsemintu, Chumoukedima aser Niuland district tem indang websites sayatsüogo.

Nagaland nung Tsemintu,

NITI Aayog Vice Chairman Suman Kumar Bery-i Mongulbarnü Naga Hospital Authority (NHAK) Kohima nung Histopathology Unit lapokogo.

Iba sentong nung Chief General Manager, HR & Legal Numaligarh Refinery Limited Dr. Kajal Saikia aser President, Doctors For You Dr. Rajat Jain natia o jembi.

Sentong nung mendenji Managing Director, NHAK Dr. Sendimeren Aonok liasü aser Joint Secretary, Investment and

PMSHRI GHSS Thahekhu nung süngdong atem



National Clean Air Programme (NCAP) kubok awareness cum plantation drive sentong ka March 12, 2024 nü PMSHRI Government Higher Secondary School, Thahekhu, Dimapur nung agidang tangokba noksa ka yangi angur.

Dimapur, Metsüremi/March

12 (TYO): National Clean Air Programme (NCAP) kubok awareness cum plantation drive sentong ka March 12, 2024 nü PMSHRI Government Higher Secondary School, Thahekhu, Dimapur nung agia liasü.

Iba sentong ya ADC Dimapur, Mhalo Humtsoe aser EAC Dimapur, Imlijungla Lemtur nati moaja liasü.

Iba sentong nung jembidang, Dimapur indang air quality ya anogoshi tamajungba akumer, ta

ADC ajanga ashı.

Lipajen tajungba kumdaktsüsü ya sorkar ketdangsürtem mapa kisüng masü saka nisung ajak mapa lir ta lai ashı.

Mera tilala agiba ajanga temelensi tulu bener arutsü, anungji ajaki lungjemr team ka ama inyaktsüla aser awareness prokshitsüla, ta ADC Dimapur, Mhalo Humtsoe-i ashı.

Imlijungla Lemtur, EAC Dimapur ajanga ashıba agı, Nagaland nung air quality

standards matongba yimti ana nung Dimapur ya ka lir aser küm pongu tashi Dimapur ya national average dang tajemba arur, ta ashı.

Dimapur Municipal Council i mopung menenba azüktsü asoshi akok tashi mera balala agir, aser nüburtemia pei shilem inyaktsüla, ta lai ashı.

Iba sentong nung noksa yangluba aser essay züluba indang result sangdonga liasü aser school telungzük nung süngdong atem.

Administrator & ERO MMC ajanga metedaktsür

Dimapur, Metsüremi/March 12 (TYO): State Election Commission ajanga sangdongba ama Administrator & ERO Mokokchung Municipal Council (MMC), Chumlamo Humtsoe-i Residential Proff atema temelensi kar metedaktsügo.

Sangdong ajanga ashıba agı, pei aliba colony/ward chairman/GB ajanga agütsüla Residential

certificate ya pei aliba Area Administrative Officer ajanga jangjatsüla.

Authentication atema kiburi residential certificate den Area Administrative Officer ajanga meshiba ama Assembly Electoral Roll, driving license, ration card aser Aadhaar card sayutettsüla, ta sangdong ajanga ashı.

Clover Dental Clinic-i KBC nung angati medical camp agi



Koinonia Baptist School, Kohima nung azüngtem asoshi Clover Dental Clinic, Kohima ajanga dental health awareness programme ka ayongzuka agidang tangokba noksa nung angur.

Kohima, Metsüremi/March

12 (TYO): Clover Dental Clinic, Kohima tenzüker küm pezü ajungba nungtem nung March 12, 2024 nü angati 'dental health awareness programme' ka Koinonia Baptist School, Kohima nung kanga takok ngüa agioko.

Iba sentong nung school tanurtem dang tepe nung tashidak, koba enraji agi "dental caries" ta ajar, iba tashidak nokdangtsü tasa balala sayua liasü. Shisalen sayuri tanurtem dang 'dental caries' nokdangtsü oral hygiene tajung alitsula, 'topical fluoride' mozü amshitsüla, pit and fissure sealant' asütsüla, aser chini/tanang (sugar) aketba chiyongtsü kanga machitsula, aser mapang shia tepe check-up asütsüla ta ajungshi.

Iba sentong nungsa Dr Khriebeituonuo Usuo-i tanurtem dang tepe shidak meyuba yimyatem hand-on training agütsü. Tanurtem nem 'oral hygiene kit' ka-ka lema agütsü aser 'topical fluoride' mozü-a koba agi 'dental caries' tashidak nokdanger, iba mozü tanurtem nem inoktsü.

Clover Dental Clinic kibur Dr. Nikenlemla-i iba sentong nung o tatsüka jembidang, school tesayur tem dang tanur tepe anepalubayim sayutsü aser tepe doctor tem dang teyari asüngdantsu ajungshia liasü.

Lai ashıba agı, alima nung noklang nung shilem 50 tila tanurtem ya tepe tashidak (dental caries) agi kangshir aser school mapang tanur teimba tepe angoba mesüra tepe mesen agi achiba mechı school nung medenteter.

Anungji Dr. Nikenlemla-i school tem nung tepe anepaluba ren tanur dang sayuba aser oral health education sayua benshiba ajanga tepe tashidak aika nungi kumzüksü ta laisa shisem. School tesayurtem atema kaket ka 'A manual training on oral health promotion' iba anogo nung lema agüja liasü.

Clover Dental Clinic ya Kohima Sepfuzou Colony, Sainik Bhawan (Alder College Junction) anasa lir aser Dr. Nikenlemla ya 'Root Canal treatment' nung specialist ka lir. Tongteprateptsü atema www.cloverdentalclinic.co nung angutsü.

DMHSS nung Faculty Development Programme agi



Dimapur, Metsüremi/March

12 (TYO): Dimapur Mission Higher Secondary School (DMHSS) nung March 8, 2024 nü Faculty Development Programme ka "Phonetics and Communication Skills" omen nung ajemdaker agia liasü.

Iba sentong ya School Governing Board, DMHSS tawabangba kubok agia liasü, kong shisalen sayur ya Dr. Alemmenla Walling, Assistant Professor, Department of English, St. Joseph University, Chümoukedima liasü.

Session mezüngbuba nung rasaas ashi.

shisalen sayur Dr. Alemmenla Walling-i "Basics in Phonetics" onük nung jembia liasü.

Lai iba mapang Phonetics tetetzü, Language Teaching nung phonetics indang rateta ashi.

Session tanabuba nung shisalen sayuri "Four Language Skills for Effective Communication" onük nung jembia liasü.

Lai speaking skills atema tongtipang yimya pezü, Listening, Speaking, Reading and Writing (LSRW) indang

rasaa ashi.

Junga jembishinütsü atema grammar, fluency, vocabulary aser pronunciation ya kanga tongtipang lir ta lai ashı.

Iba sentong nung menden ya Onenjungla, PGT (English) liasü aser Chaplain & Counsellor Merensola-i sentong tenzüka sarasadem.

Sentong nung pela agizükba o Alemtushi Imchen, Principal DMHSS ajanga jembı, Mary, Assistant Teacher ajanga melepzung o jembı aser Lolenmongla, Assistant Teacher, DMHSS ajanga sarasadema sentong tembang.

aser artisans tem dang asen sobaliba shidak aser tejangja amshitsü ajungshia liasü.

Paisa parnok dang Government of India-i Aatmnirbhar Bharat Utsav kubok agütsüba maongka agia tajungba aser timba yanglutsü aser inyaktsü ayongzük.

Iba Expo ayongzükba nükjidong rateta jembidang, Nagaland Apex Weavers & Artisans Cooperative Federation (WEAFED) managing director Gwaruno Khing-i ashıba agı, yimdak-yimtsüng nung aliba südaker aser artisan tem nem maongka

agüja pei sasa yanglutetba ossettsüset dangar dang sayutsü aser marketing channel tajungba kumdakja sales aser

marketing nung tasa tajungba kumdaktsüsü mechı ayongzük.

Iba State Handloom Expo ya Development Commissioner for Handloom, Government of India, New Delhi ajanga sponsor asü aser WEAFED-i ayongzuka liasü.

Iba Expo nung stalls 60 amenoka lir aser shilem agirtem ya Assam, Manipur aser Nagaland nungi lir.

Iba Expo ya March 23, 2024 tashi alitsü.

Zunheboto nung State Handloom Expo tenzükba sentong nung tangokba noksa ka yangi angur



Zunheboto nung State Handloom Expo tenzükba sentong nung tangokba noksa ka yangi angur.

Kohima, Metsüremi/March 12 (TYO): Aatmnirbhar Bharat Utsav kubok "Hathkargha Mela" nünja agütsü State Handloom Expo sentong ka Zunheboto nung March 10 nü tenzükogo.

Zunheboto Cultural Hall nung iba Expo semzüksüba mapang, iba Expo ayongzükba nükjidong ya ola-angla amshirtem aser artisans tem nem pei sasa yanglutetba ossettsüset sayutsü aser ayoktsü asapang tajung ka agütsü asoshi lir, ta Keyirangding Hegui, Additional Deputy Commissioner, Zunheboto ajanga ashı.

Hegui-i ola-angla amshirtem

CAA dak sendakba nung Amit Shah-i Congress aitsü



Citizenship Amendment Act benoktsü atema temzung özüng Minister of Home Affairs-i sangdongba sülen security force temi New Delhi kubok Jamia Millia Islamia nuka aliba noksa nung angur.

New Delhi, Metsüremi/March 12 (Agencies): Congress party-i Citizenship (Amendment) Act, mesüra CAA anema nokdakba atema Union home minister Amit Shah-i Mongolbarnü iba party aitsüogo aser ashiba agi, lokti kar peladaktsütsü aser vote-bank atema parnoki iba ozüng anema nokdaker.

Centre-i iba ozüng benokba sülen anogo ka lir pai iba olen lemsatepogo. Iba ozüng ya küm pezü tejakdang agizuka liasü.

"Onoki CAA bener arutsü ta shiogo. Congress party-i CAA anemer. Nüjiso anguba sülen Congress aser temzung özüng yanglurtemi Bangladesh, Afghanistan, aser Pakistan nung tamangba yimsü dak ajemdaker reshikangshiba ajanga India-i jena arurtem nem

lisopur jenjang agütsütsü ta tenangzükba agütsüogo. Ajisüaka lokti kar peladaktsütsü merangba aser vote-bank politics dak sendakba nung Congress-i CAA anemer," ta Amit Shah-i Hyderabad kubok Secunderabad nung social media warriors' meet nung o jembiba mapang ashi.

Paisa, Ato Kilonser Modi tenüng sanga jembia liasü.

"PM Modi-i CAA ajanga Hindu, Sikh, Buddhist, aser Jain nunger refugee tem nem tetushi

agütsür. Parnok tamangba aser meraket kümzüka ayutsü atema Pakistan aser Bangladesh nungi India-i nisung lakh aser crore aika jena aruogo, saka parnok nem lisopur jenjang magütsü... Parnok pei linük nung lisopur jenjang magütsüba sülen kanga mezungmeshia amshir ama

Maldives nungi India nunger sepaitem atsüngindar

New Delhi, Metsüremi/March 12 (Agencies): Maldives Tir Mohamed Muizzu-i tetuyuba agütsüba sülen Maldives nung surveillance aircraft ka achaayanga aliba India nunger sepaitem iba hopta nungi atsüngin tenzükogo, ta local media sangdong balala ajanga metedaktsü.

Maldives nung Mihaaru osang kaket sangdong ka ajanga ashiba agi, Addu nung amenoka aliba India nunger sepai 25 Deobarnü Maldives toktsürogo, ta AFP sangdong ka ajanga metedaktsü.

Ajisüaka India nunger sepaitem atsünginba indang Maldives mesüra India nunger

ketdangsürtemi officially osang agüja mali.

Taküm January ita Muizzu-i India dang par linük nung amenoka aliba India nunger sepaitem ajak anintsü tetuyuba agüja liasü. Linük ana temaba jenjang nung senden amenba sülen India-i sepaitem anintsü atema mulunga agizükogo.

Taoba hopta Maldives Tir-i, May 10 nü tashi nungbo India nunger sepaitem linük toktsür aotsü atema mapang atakzütsüogo. Osang ajanga ashiba agi Maldives nung amenoka aliba India nunger sepai 89 shi May 10 nü tashi nungbo iba asetkong toktsür aotsü.

Muizzu shiba China den kanga junga sendaktepa lir, pa Tir akumba sülen India aser Maldives na tesendaktep mejungi kümogo. Pai Tir kümli Maldives nung maritime arrtsü anüksü atema amenoka aliba India nunger sepaitem anintsü tenangzükba agüja liasü.

Maneni January ita Maldives nunger minister temi India aser Ato Kilonser Modi-i Lakshadweep ya alima penzürtem mongjen ka ama ajungkettsü merangba atema tilutsüba sülen linük ana tsüngda tesendaktep tamajungba aküm. Iba sülen New Delhi-i ken o ashishi aser minister asem mapa nungi anenja liasü.



Centre sorkari Citizenship Amendment Act atema temzung özüng sangdongba sülen Thiruvananthapuram nung Left Democratic Front lenirtemi longkak aitba noksa nung angur.

Congress-i LS election atema candidate list tanabuba sayaogo

New Delhi, Metsüremi/March 12 (Agencies): Congress party-i taruba Lok Sabha election atema candidate tem list tanabuba Mongolbarnü sayaogo.

Party General Secretary K C Venugopal-i, taküm election ya tekübokba jenjang nung alirtem aser capitalist tem tsüngda tetoktepba ka asütsü ta shia state balala atema candidate 43 tenüng sangdonga liasü.

State tem rongnung Assam, Gujarat, Madhya Pradesh, Uttarakhand, Rajasthan, aser iba den Daman and Diu Union Territory densema lir.

Mongolbarnü sangdongba candidate tem rongnung Gaurav Gogoi Assam kubok Jorhat constituency nungi tokteptsü aser taoba mapang Madhya Pradesh Chief Minister Kamal Nath'er jabaso Nakul Nath, Chhindwara nungi tokteptsü.

Iba den bendenloksema taoba Rajasthan CM Ashok Gehlot'er jabaso Vaibhav Gehlot, Jalore constituency nungi tokteptsü.

Mongolbarnü sangdongba

candidate 43 rongnung parnok 33 bo OBC, SC, ST mesüra lokti nung nütsüng agi ajema aliba lokti tentettem nung lir.

Election atema mezüngbuba list sayaba sülen candidate tem shimtsü atema party indang Central Election Committee (CEC) senden ka Hombarnü mena liasü.

Taoba mapang Congress-i taruba election atema candidate 39 sangdonger liasü, kong Rahul Gandhi densema liasü. Pa ano Kerala kubok Wayanad constituency nungi tokteptsü.

Taoba Chhattisgarh Chief Minister Bhupesh Baghel-a Rajnandgaon constituency nungi tokteptsü aser AICC General Secretary K C Venugopal Kerala nung Alappuzha nungi aser Shashi Tharoor Thiruvananthapuram nungi tokteptsü.

CEC nung party Tir Mallikarjun Kharge, taoba tir Sonia Gandhi aser Rahul Gandhi, Ambika Soni, Adhir Ranjan Chowdhury, T S Singhdeo, aser Mohammad Jawaid nunger densema lir.

'CAA ya Right to Equality anema lir': Asaduddin Owaisi



New Delhi, Metsüremi/March 12 (Agencies): Citizenship Amendment Act benokba indang sangdongba sülen All India Majlis-e-Ittehadul Muslimeen (AIMIM) tekolakba Asaduddin Owaisi-i Mongolbarnü Narendra Modi-i aniba sorkar aitsüogo.

"Küm pezü tejakdang Modi-i aniba sorkari yangluba iba ozüng ya constitution anema lir. Tamangba yimsü dak ajemdaker ozüng ka meyanglutetsü. Iba dak sendakba nung Supreme Court-i obendang aika agüja lir. CAA ya Right to Equality anema lir," ta Hyderabad nungi MP yagi ashi.

"Nenoki Islam dak alaker tanga tamangba yimsü dak amanger ajak nem lisopur jenjang agütsür. Ni Parliament nung ibala mesükba ozüng ka White South Africa-i yangluogo ta shiogo. Mahatma Gandhi-i iba ozüng raksaja liasü. Nia

CAA kuli kaket shisa intokogo," ta AIMIM tekolakba yagi ashi.

CAA anema nokdangba lenirtem rongnung Owaisi kija masü aser West Bengal chief minister Mamata Banerjee-ia,

"Centre sorkari CAA yashi benokogo, saka temzung özüng kubok iba ozüng jenjang mejangja. Sorkari ken o tejangka magütsü. 2019 küm Bengali nunger Hindu nunger lakh 19 nungi lakh 13 NRC tenüng nung Assam nung list nungi agina liasü. Iba sülen parnok aika suseta süogo.

Tenüng intoker alirtem nem parnoki bushira lisopur jenjang agütsütsü asü? parnok tanurtem tarutsü koma asütsü," ta asüngdanga liasü.

Communist Party of India (Marxist)-ia, CAA benokba aitsüogo aser ashiba agi, iba ozüng yagi kidanger linüktem nungi aruba Muslim nungertem mezungmeshir.



TIR YIMYIM

YIMOBILEM (EDITORIAL)

DIMAPUR RASEMNÜ, MARCH (METSÜREMI) 13, 2024

Yimten masü tamang tongpang

Takum küm linük nung Lok sabha election agitsuba ya yimten teloktem tsüngda toktepba dang nungibo nübortem rongnung pei pei amangba tamangba yimsü tongpang nung nokdaker amai asütsü. Atangji, BJP telok nung Khristan-tema lir aser Muslim nungertema lir, aji alima nung nisunger yimya, saka BJP tongti lenirtem nükjidong aser tangatetbabo India lima ya Hindu yimli ka akümtsü asoshi inyaker. Ibayongji, ato kilonseri anir Ayodha nung Ram tekülem ki yanglua semzükogo. Ibaij BJP telok asoshi pongmang asangsang akumba mapa tuluka asütsü. Ibaij kodang shisadangdir, India nung Hindu nunger Khristan akümtsü nokdangba aser talisa Assam nungbo BJP government-i Khristan-tem adenshidak Tsüngrem dang tanepstsü meshia sarasadem masütsü özüng lateta yutsuba aser ano Manipur nunga Khrisan-tem tenla ki raksatsuba mapatem denbo kenyongi meputeper. Joko, linük nung anosa BJP teloki yimsü asütsüsa mapang arura, parnok tejangraba aser nükjidong tuluka anünga lir, aji linük ajaklen senso ajak asoshi sobaliba özüng, Civil Code, ka dang asütsü. Iba amaji India ya imlaba dang nungi tekaraba Hindu lima ka küma odagi. Atangji, BJP lenirtemi mebilemdanger dang ashi, India ya tang amaisa longjema lidi asünungbo kodanga iba linük ya Hindu lima makümtsü, kechiyong Hindu sobaliba aser Hindu tamangba yimsü agi India ajungabo mamokbangtetsü. Shidi süra, Khristan-tembo nütsüng ishika dang lir saka Muslim nunger nütsüngbo noklang nung shilem 14 lir aser parnok nütsüngsa tezuinba züner, anungji küm ishika tsüngda Hindu nunger nütsüng den menepete aientsü. Iba shisabolu jagi India nung tebur kati kinungtsü ka den dang alitsü aser tanur-a ana dak tali masotsü atema özüng küma yanglutsü merangba asenoki angashir. Atangji, tebur kati khen nung kinungtsü ka dak tali mayutsü aser tanur-a aika masotsü ta bilemba tangatetbajibo junger, saka kodang tamangba yimsü memelentsü mesüra temulung meyipa tanga tamangba yimsü magizüktsü asoshi özüng küma lateta yutsüdir, ajiang nisung ka temeten anema dang masü saka yimteni yimten temzung anema inyakba mapa ka asütsü, kechiyong linük temzungi senso ka nem kechi yimsü amangner amangtsü aser sayutsü asoshi temeten agüja lir. Joko, Assam nungbo Yisu Khrista tenüng nung shirangertem asoshi tanepstsü meshia sarasademtsütsü nokdangba dang masü saka Khristan-temi lapokba kaketrejutem nung Yisu aser Mary nunger noksa aser kürakyanglu mayutsüla ta amokmerenba asenoki angashir. Asenok Naga nunger atema iba ama teloki aniba yimten telok nung adentsübaj iarendaktsüka lir, kechiyong asen adenba teloki Khristan yimsü anema inyakra aser tangar tsüngrem tekülem yimya nung dang yimten sentong ajak agiyonga ora, asenok atema aji telemtetba takang ka agitsü mapang ka asütsü. Atangji, Hindu nungersa asüyonga ajaki tanga yimsü anema inyaker ta masü saka linük temzung nung shia aliba ama tamangba yimsü agizüka amangtsüba pei mulung, anungji kati ka tamangba yimsü akümtsüba putepa alitsübajiang tajungba aser shitakba ta angateter Hindu nunger aika lir. Iba tangatetba nung India sünepsünepa küm 50 jungnua aruogo. Koba tamangba yimsü südirsüaka temeim indang sayur aser mapa tajung inyaktsü ajungshir, anungji tsüngrem dak amangbatsüba yabo yimten özüng agi masü saka pei mulungba nung amangdaktsütsüla. Ibaij angateter o mangatetter na toktepba tongpangji tang aruya aliba parliamentary election ya asütsü. Ashiko, asenok sensakba agi metetsümonga Yisu temeim yimsü anemba telok nung adener asütsüa akok mesüra asen dak tashimait aliba agi asen temeten tekong songa mejembitet, tangar sülenang anidaktsüa akümer asütsüa akok. Koba kuli agi südir sang, Yisu angenlokba purtemi merenshi tsübuas mesüra asen akoksatsü tsübuas Yisu menangzüktet parnok den adentsüa akümdang, Yisu nütsüng Peter bileyettedi.

OLEMSABANG

OCHIJI KA DANG

~ J.O. Anener, Dimapur

Tsürabori tanur dang teti ochi shia aser ochi nung tasü ita alitsü indang sayutsüngir. Laishiba nunga ochi ji Tsüngrem den saku tesayuba lir. Sayutsüngirtemi aser telok tentet balala ajaki kechiserena ajak nung ochi shia alitsü indang jembir.

Lenir aikati nütsüngtem dangbo tanak dang tanak ta shiang aser temesüng dang temesüng ta shiang ta sayutsüngir. Tetetzü ochi dang ochi aser tiazü dang tiazü ta shiang ta langpang ajak ajensaa jembir. Saka tanü item mapaji ajidangra, pai jembiba ama nütsüngtem dang mesayuteter, kechiyong pa mesüra laji ochi nung tasü mait lenir ka.

Konang-nüngsang takok tetoshi (awards) bo techir mesüra tarutsü lanur asoshi tangazüktsü toktsüra junger, saka ochi nung tasü maitba tamakok otsütem bo lanu putu nem jembitsü anünga meyutsü tajungba. Kechiyong, yangji temoatsü mesüra atakatem lir. Anungji lanu putu tepu (teeth) mejemtsü mapa tanü samanirtemi meinyak/ mejembi tajungba aser anünga meyutsü tajungba.

Tsürabor mapangbo ochi kuli monguteti ochi obendang mangütsütet dang metdong ana tsüngta azüng-ashidakja aru aser yangji Tsüngrem nungi ochi obendang ngua nüburtem sunepa ali. Saka tanübo yimsü tajung ya agi memela nung lenirtemi azüng-ashitsüa memelar, aji shidak. Süra ochi o bendang tanga agütsünung koda? Ochi nung tasü maiter na.

1872 nung shir yimeri Yisu yimsü agizük, iba yim dangji alaka shinga yimeri rakteptsü makok. Ya "Universal truth", ya Tsüngrem sentong, nisungi rakteptsü mesüra lenirtemia raksatsütsü makokba tatalokba lir. Mezungji par yim kisüng mesüi danga yim kar anasemra aji ochi masü aser Tsüngremibö ochi o bendangji agütsütsü ta metetti.

Court nungjibo par koma onür odakjang, saka ABAM-i ochi kuli Tsüngrem tenüng nung agütsütsüla. Ya Ao tekong trok nung alirtemi agizükang ta nungloksü nung agizükba masü, saka par yimer sasa mulungteter agizükba. Ao yim liti-yimti temibo yimsü tasenji bener arura par yimji meshi-meshia makdoktsü ta shidakmonga bener aruba yimsü, par tebu Chungtia nükrang mati agi yimji memaki yutsüba ajanga tanü asenok iba Yisu yimsü tajung ya sadoka amanger.

Anungji Aor kechi teloki südir süang, mezüngji koba yim asütsüar ola adokangma. Tasür ka süadoker mesüra takoksa tia-i yir yari dang nungibo lendong jagi mesüra takoksa tia jagi maidang yaritsüla. ABAM nung lenir dak dang temulung lemer Aoli arogotem mesüra lokti tentet ajak ajem-ajema sümanga oa kazütep nungbo dangular kintem dang asen Aor mezüngpur ya taaktsü tansütsü kin ka akümtsü ya mapayur no, Aortem?

Anungji shir dang kechi ashitsü tim lir aji Aor tem ajaki ashitsüla, mesüra Ao arogotem vote agiteptsü asü koda?

2022 nung Molungkimong souvenir kaketji reprangdangang, yangji ajak peria angajemtsü.

Yim makumdang arogo tenzük ta asüba ya mejembila jembir. Tatishitsü agi, akhi dangular yimer ka arua baptiba asünungbo aji shidak, saka December 22, 1872 nung Molungkimong yimtsüng nung yabo par yimer kisüng baptiba ta angateter. Tatishitsü agi ni Doctor (Dr) ta sur kü tenüng zülu nung ozü chiri Dr ta amshitsü makok, mesüra Rev ta amshitsü makok.

Au pai itemji agizüka lira ajibo tim.

Anungji 'The First Baptist Church in Nagaland' establishment 1872 yabo Molungkimong nungeri agizükba degree, konang, ya par narokum, shingaia rakteptsü makok, kechiyong, kübu-i pai agizükba Dr ta amshia zülu nung ni doctor ji zünga melira ni Dr taji amshitsü makok. Arungma Aortem, ochiji ka dang lir aser yangji tasü ita nokdaka ola adoka ayimokjang, yangji Tsüngrem ajak takoksang dena lir.

**Iba Olemsabang nung lemsaba ken-o aser shisatsü ya iba ocet züldü
bilemba ken-o ama tazüngeri angateta agitsü mepishir**

Pakistan nung Khristan ka pua bener oa yimsü melendaktsü

Lahore, Metsüremi/March

12 (Agencies): Pakistan nung arishi küm ter tain tetsür ka taoba ita pua bener oa merenshia Islam yimsü agizükdaktsüla ya mapa tamajung inyaker dang ayoktsü akok ta tsürabotem shisabolur.

Laiba Suhail ya Chak 233-RB Ikhlaq Town, Faisalabad District, Punjab Province nung lar kidang nungi February 12 nü Muslim nunger Shaukat Shah-i ashira anga Muslim yimsü mamanger nisung pezüi pua bener ao, saka ketdangsürtem merenhitsü memulunger, ta tebo Suhail Masih-i ashira.

Iba tesem nung tanurtem merenshia Islam dangi meypaktsüba asoshi Shah ya kanga junga meteta lir aser religious education agütsütsü tenüng nung shelter homes nungi anir aor, ta Masih-i ashira.

La Islam dangi meypogo ta application ka agüja lir ta police temi February 15 nü Masih dangi osang yokba sülen lai mepishiba ama court kati par jala ya tetsürtem ayuba tesem kati yoka liasü. Saka la ya Shah-i anizüker ogo ta Masih-i angazük.

"Ibai Shah tasa lir. Pa nem amoktsüba sülen parnok kechi asüar shingaia memetet. Pa aser pa den yariteper tem sex trafficking nung dena alitsü amai bilemer aser kinunger temi court nung ken o mejembittettsü ta metetba sülen parnoki item tetsür chanu tem ya ayoker," ta Masih-i Christian Daily International-Morning Star News dang ashi.

Shah-i pua bener aoba ken o ka Roshan Wala Police Station nung benokaka ozü jala anir arutsü mera kecha magi, ta pai jashia ashira.

"Laiba-i court nung application ka agütsü aser yangji lai Islam tesayuba ajanga la temulung nung kongshia Islam dangi meyip ta lai shia lir ta police temi onok dang February 15 nü metedaktsü," ta Masih-i ashira.

Onok idangjisa court dangi ao aser ozü jala ya police kari lungbanga aliba onoki angu. Onoki mepishiaka la den mejembidaktsü. Mapang tatsüka lir police temi la magistrate matsüngdangi anir ao aser yangji lai application nung shia aliba kasa azüng. La Dar Ul Aman (women's shelter) dangi yoktsü lai asüngdanga liasü aser magistrate-i mela, ta ashira.

Shah aser police temi lar jala anir aodang Masih aser kinunger temi teyarir mali repranga yok.

"Laiba-i court nung kuli agütsüba sülen onoki kecha meinyaktet, koba merenshia züngdaktsüba asütsü ta amanger. La den jembitsü onok nem maongka magütsü," ta pai ashira.

"Ozü jalai mulungsoa tamangba yimsü melen ta ashira ya tiazü lir. Lai religious education tera anguba ya Sunday school nungi lir. Lai Muslim nunger den mejembidang, kechiaser la anogo tepiyong kidang tetsü kuna anepalua ali."

Masih ya Church of Pakistan nung züngsem ka lir aser pa tetsüng anaprong tatsük aser temang majungba ajanga kinungtsü tenaprong mapa meinyakteter.

Laiba anir arutsü atema tekeratiba nung parnoki high court nung ken o ka benoktsüla, ta Khristan attorney Sumera Shafique-i Christian Daily International-Morning Star News dang ashi. Ajisiüaka tang tashi parnok yaritsü attorney kata monguteti lir.

"Tanur indang arishi küm yanglushitsü asoshi sharia (Islamic law) amshiba tatishitsü rongnung Laiba indang ken o ya ka lir. Magistrate matsüngdang lai la tain kumogo ta ashira, saka official birth certificate nung la arishi küm ter aser ita ana lir," ta Shafique-i ashira.

Tashiyim agi tamangba yimsü melendaktsüba aser kibong kumdaktsüba Khristan tanur aika Shafique-i kumzüka lir aser item rongnung Maira Shahbaz dena lir, shiba 2020 küm pua bener oa tashiyim amshia yimsü melendaktsü.

Iba ama timtem ajurua aliba kinunger temi ya timba azüngtsü aser zülutsü memetet aser makamaiter lir, aser pei ajangzüksü mech local activists

temi amshir, anungji ken o raksar aser pua bener oa aliba tetsür chanu tem tanaben anir arutsü menur, ta Shafique-i ashira.

Lahore High Court nung tekeratiba nung habeas corpus petition ka benoktsüla, ta lai ashira.

"Tanur ya arishi küm ter ang, aser high court-i la tamangba yimsü melenba ken o süöki ia agitsü südi ta ni amanger. Mapang shidak nung ozüng agi melaba ama mera agiba ajanga la tia tamajungba nungi kumzüksü," ta ashira.

Shah asoshi inyaker Irfan Masih, Khurram Masih, Aneeqa Masih aser Grace Masih nungeri kinunger teme mejanga orr lia ayatirm nung arua Laiba pua bener ao, ta Masih-i ashira.

"Ozü jala pua bener aoba sülen ang iba telok yagi Faisalabad nung Khristan tsür tanurtem aika pua bener oa tashiyim agi yimsü melendaktsüba mapa inyakba angazük. Ajisiüaka Shaukat Shah ya sentü aketba nisung, anungji kecha meshiteter."

Arishi küm 55 tain Suhail Masih-i ashira agi, par jabaso tambosang ya arishi küm 25 tain lir, aser pai aayanga kibong mesür. Par tanur asem rongnung Laiba ya tanutsü.

Kechi südir süaka la kumzüksü lenmang bushitsü temulungtetba lir, ta Masih-i ashira.

Open Doors ajanga alima nung Khristianpur alitsü asoshi tamajungtiba linüktem asadangba 2024 World Watch List nung Pakistan ya jenjang tenet buba nung lir.

Port - a u - Prince ,
Metsüremi/March 12

(Agencies): Haiti nung mapa tamajung inyakba telok balala jateta nüburtem makmak-shimak tia nung aliba mapang Catholic archbishop kati iba linük nung aliba tekülem kidang nungi nisung pua bener aoba tetsübotsüka kumogo ta ashira.

Haitian Bishops' Conference tir Archbishop Max Leroy Mésidor of Port-au-Prince ajanga Hokulbarnü Aid to the Church in Need dang ashira agi, linük nung tesem kecha kumzüka mali aser Tsüngräm mapa inyakba nung kanga mejungi kongshiogo.

"Civil war tenzüksüsa jenjang ka nung lir. Armed gangs temi mitkar ama inyaksangshir... Police temi parnok maziökteter," ta pai ashira.

Taküm Haiti nung putir temi tamanger aika pua bener aoba indang Aid to the Church in Need ajanga sangdonga lir.

"Tesem ajaklen nisung pua bener aoba lir. Tamanger temi densema nisung ajak tsübotper. Na Port-au-Prince

yutsür aoba den külemi na lendong nung lir... Gangs temi tekülem kidangia arua nisung pua bener aor," ta Mesidor-i ashira.

Hokulbarnü Port-au-Prince nung aser anasa sorkar meyong ki nung gangs temi tsüngta prangbong agi khatepa civilian tem jena aotsüsa akum.

2021 küm Tir Jovenel Moise tepsetba sülen Presidential Palace nung shinga malir.

Prangbong bera aliba telok temi linük nung tepuokdak tesem tulutiba ama maka yangji alir nisung meyirijang aika chiokba sülen Haiti nung azüdkshi ya tali tamajungba akum. Port-au-Prince ya April 3 tashi state of emergency nung lir. Taoba hopta iba mepetmesü tenzükdang acting prime minister Ariel Henry ya linük nung meliasü.

ANOGO ABEN TSÜNGREM DEN

Tebilemtetba den timtem

"Kechiyong taoba mapang timtem amadokogo aser kü nük nungi mimogo"

- Isaia 65 : 16.

Asen shisatsü nung asenoki tajunga aser tamajunga bilemteter. Meimchir dak tashi maitji asenoki tekolok nung tamajung inyaktsü bilemer saka tajung inyaktsübo matongteter. Item nungi aiben teraksatsü-ang atongteter. Talisa ibai kibong telungtet nung ataloker.

Tamajung bilemtetba lagi kibong nung teraksa tendaktsür, asenoki ibai koktetsü angazuktsüla. Asenoki inyakba aser timatemba bilemtetba nungi kwikati tajungtibaji angazük.

Peisasa aser tangara anebtsütsü asenok dak ain tashi mali ta asenoki angatettsüla. Tesüiba timtem anebtsütsü ainji Khrista dak dang lir. Asenoki inyaktsüba nüngdakji kechi agisa asenok tebilemtetba nung timtem agutsür, item ajakji Yisu nem bendanga agutsütsula, aji asünung dang aseni pi dang tesüiba mapang tai menaba aser parnok temulung yirudakja alibatemji taidok meshitetsü. Ibaj i ajanga pa sentsuwangshitsü.

Item ya shisadangang : Nai tajung bilemteter asü tamajung bilemteter ? Ne tarutsü mapang azüoktsü na telemtet tashi dang kar aser tesüiba bilemtetba azüoktsü tashiji tatakzük makai lir ta metetang. Nai ne taküm ajunga Tsüngräm nem bendanga agütsüra, pai tesüiba tamakok ajak tai toker tarutsü mapang tajung dangi anitsü ta metetang. Kü tamakok ajak tai adoktsü, aser tarutsü tia tajungleni anitsü ni kü taküm bendanga agütsür ta asenoki marendaki Pa dang shitetsula.

Haiti nung gang temi tamanger temi pua bener aor

Port - a u - Prince ,
Metsüremi/March 12

(Agencies): Haiti nung mapa tamajung inyakba telok balala jateta nüburtem makmak-shimak tia nung aliba mapang Catholic archbishop kati iba linük nung aliba tekülem kidang nungi nisung pua bener aoba tetsübotsüka kumogo ta ashira.

Haitian Bishops' Conference tir Archbishop Max Leroy Mésidor of Port-au-Prince ajanga Hokulbarnü Aid to the Church in Need dang ashira agi, linük nung tesem kecha kumzüka mali aser Tsüngräm mapa inyakba nung kanga mejungi kongshiogo.

"Civil war tenzüksüsa jenjang ka nung lir. Armed gangs temi mitkar ama inyaksangshir... Police temi parnok maziökteter," ta pai ashira.

Taküm Haiti nung putir temi tamanger aika pua bener aoba indang Aid to the Church in Need ajanga sangdonga lir.

"Tesem ajaklen nisung pua bener aoba lir. Tamanger temi densema nisung ajak tsübotper. Na Port-au-Prince

yutsür aoba den külemi na lendong nung lir... Gangs temi tekülem kidangia arua nisung pua bener aor," ta Mesidor-i ashira.

Hokulbarnü Port-au-Prince nung aser anasa sorkar meyong ki nung gangs temi tsüngta prangbong agi khatepa civilian tem jena aotsüsa akum.

2021 küm Tir Jovenel Moise tepsetba sülen Presidential Palace nung shinga malir.

Prangbong bera aliba telok temi linük nung tepuokdak tesem tulutiba ama maka yangji alir nisung meyirijang aika chiokba sülen Haiti nung azüdkshi ya tali tamajungba akum. Port-au-Prince ya April 3 tashi state of emergency nung lir. Taoba hopta iba mepetmesü tenzükdang acting prime minister Ariel Henry ya linük nung meliasü.

Azüdkhiba aser gang temi tesem balala amokbangba ajanga pa mapa inyaktsü tasakba kumogo, ta Mesidor-i ashira.

"Lenmag tem mokdanga lir, anungji ni ozü arogo timba mesemdagnteter. Linük south tsütsü aliba arogo semdagntü atema ni tayimtsü amshitsüla.

Ni küm ana tashi cathedral-i moteter... Cathedral nung tatemsa benjongo baji Christmas mapang liasü. Iba mapang tamanger temi sünga adenshi. Saka Agnus Dei nungi sentong matem tashi prangbong ola angashi. Anasa mokozü adokba onoki angu," ta pai ashira.

Timtem balala ajuruaka tamanger temi aika tasü ita lir. Parnok timtema aru aser tanga timatemer, ta archbishop-i ashira.

Timtem aika liaka arogo aikati lendong timtem metsüboi nokdaka mission mapa inyaker.

"Asenoki asen kangki abentsüla aser Khrista sülen anidaktsüla. Asenoki nüburtem asoshi sarasademtsütsüla," ta ashira.

Timtem aika liaka tekülem kidangi nüburtem maneni anir arutsüla. Sayutsüngi mesüra tanüla maparen balala ajanga lanurtem nem teimla agütsütsüla.

Haiti nung putir temi itasen mangur aser tamanger temi achi-ajemtsü maka timtemer.

Aid to the Church in Need yagi sentong balala ayongzüker aser putir temi nem senotsü teyari terara agütsür.

Haiti nung Khristan lenirtem aser missionary tem pua bener aoba linük balalai meteta kumogo.

January ita prangbong bera alirtemi Port-au-Prince nung aliba Congregation of Saint Anne nungi Catholic nun trok pua bener ao. Parnok ya hopta ka lir chioka liasü.

Taoba küm July ita Christian education ministry El Roi Haiti tenzüksang kinungtsü aser tena jala pua bener ao aser August ita chioka liasü.


2021 küm October ita Christian Aid Ministries missionary 17 pua bener ao. Parnok kar chiok aser kar jenteta liasü.

AO OSHI ANGAZÜKDAK:
TANÜ ANGAZÜKTSÜBA OJANG
**Sotem**

(v) tanur asoba mapang tembang (end of childbearing)
 * Tanur ajak sotem tashi ojala temang tashi itta liasü.

Sotempungtem

(adv) tanur sotemer aliba mapang (post child bearing period)
 * Yimtak sotempungtemer aika kümogo.

OLONG PAITEP # 6725**TIPLÉN**

- | | | | |
|-----------------------|-------|-----------------------------|-------|
| 1. Balaka | - (5) | 2. Hai sur inyak | - (4) |
| 6. Aika shirangba | - (4) | 3. Aor tenüng ka | - (6) |
| 7. Tar tatsü | - (6) | 4. Ali telungi talangka lur | - (5) |
| 9. Nenj'er jabaso | - (4) | 5. Tebang kenyongi mazüoker | - (4) |
| 10. Sen lateitsüba | - (7) | 8. Ken atema anenzükertem | - (5) |
| 11. Tangar kübok alir | - (4) | 9. Toktepa noktak | - (5) |
| 14. Lon nung inokba | - (6) | 10. Sen | - (6) |
| 15. Tzü ayimdark | - (4) | 11. Benjong agi | - (5) |
| 16. Ajok | - (5) | 12. Telung nung rizünga ayu | - (4) |
| | | 13. Tebang nung enok | - (4) |

LANGTSÜNGLEN**OLONG PAITEP # 6724 TELANGZÜBA****TIPLÉN :**

- | | |
|-------------------------------|-----------------------------|
| 1. Semtu, 3. Lepko, 5. Bilem, | 1. Sayu, 2. Teb, 4. Kimong, |
| 8. Ulu, 10. Tsüngpang, | 6. Lungkak, 7. Milak, |
| 11. Tesangwa, 13. Aoksa, | 9. Zünga, 10. Temopu, |
| 15. Putir, 16. Yipru. | 12. Walu, 14. Ali. |

LANGTSÜNGLEN :**NAI-A YA METETTER MA****NISUNG TEIMTIBA AREMBA LEPER**

Archaeologist temi Germany nung 1,000 Black Death victims shi indang teret ngutetogo. Iba ya Europe nung nisung lokti aremba leper tulutiba asütsü ta bilemer. Nuremberg yimti nung ki tasentem yanglutsü atema ali atudang Putu 15 buba aser 17 buba tsüngda aremba nisung terettem nguteta liasü.

March 9 nü Shillong nung bomb apokba atema nsiung 4 apu



Shillong, March 12, 2024

(Agencies): March 9, 2024 nü Shillong nung IED apokba dak sendakba nung Meghalaya police-i temulung melemi bilemer nisung 4 puogo.

Hombar aonung Meghalaya kübok Ri Bhoi district nung par pezüprong apu. March 9 nü Them Mator, Shillong nung Syndicate Bus Station anasa bomb pokdaktsüba dak sendakba nung parnok apu.

Ri Bhoi district police den kilemi East Khasi Hills police-i yaritepa Umsning aser Nongpoh nung nisung anana apu.

Iba mapang parnok ket nung tapoktsü aika ngutetogo. Parnoki Nongpoh, Ri Bhoi nunga bomb

ka pokdaktsütsü tasa atonga liasü

ta osang ajanga ashi.

Meghalaya nung ketdangsürtemi bomb apokba dak sendakba nisungtem bushia

aputsü atema mapa inyaker.

Meghalaya chief minister Conrad Sangma-ia March 9 nü Shillong nung IED bomb pokdaktsürtem merenshitsü metedaktsüogo.

"Them Iew Mawlong nung bomb pokdaktsüba atema nisung

aika puogo aser mapa inyakdar. Iba mapa tamajung inyakertem pua merenshitsü atema onoki inyakdar" ta CM Conrad-i ashi.

"Police-i bushisüngdang südar aser nisung aika puogo. No aonung tesü nunga police nungi

osang angashir aser tensa reprangdar" ta paisa ashi.

Bomb pokdaktsüba atema Hynniewtrep National Liberation Council (HNLC) aitsüra parnok den yimzung olemtip alitsü asü

koda ta osangbeneri asüngdangdang "o jembizüka meyokdang tamasa jungjunga bushisüngdang asütsü nüngdaker" ta Meghalaya chief minister-i langzü.

"Osang kecha mesangdongdang asenoki kuli tejangja bentsüla. Onok inquiries aser intelligence ajanga kuli kar ngutetogo saka maparen metembang dang osang meshiteter" ta Conrad Sangma-isa metedaktsü.

Manipur nung road projects 56 atema Rs. 405 crore lemzüksü

Imphal, March 12, 2024

(Agencies): India sorkari Manipur kübok hill districts nung Pradhan Mantri Gram Sadak Yojana (PMGSY-III) phase 3 inyaktsü mulunga agizükogo.

Manipur sorkari Hombarnü scheme tasen agizükba osang den mepetmesü maliba hill districts nung mapa tenzüksü

metedaktsüogo.

Ministry of Rural Development sanctioned Rs. 404.719 crore-i March 7, 2024 nü PMGSY-3 kübok Manipur nung gari lenmang 56 yanglutsü

ta Rural Development and Panchayati Raj Minister Yumnam Khemchand-i ashi.

Gari lenmangtem nung bus

stands, administrative centres aser banks & fuel stations alitsü ta Khemchand-i ashi.

Lenmangtem ya Water Bound Macadam (WBM) layer nung ajemdaker yanglutsü aser bitumen layer meinokdang cement content adentsü ta Minister Khemchand-isa ashi.

Assam Congress-i Lok Sabha candidates shimogo

Guwahati, March 12, 2024

(Agencies): Assam Assembly elections agitsü mapang tonga arudang Assam Congress-i candidate tem shimogo.

Assam Congress-i menden 14 atema canididate tem shimtetogo ta osang angazüker.

Congress-i parnok teloktep atema menden ka dang agütsü aser ibaji Dibrugarh nungi AJP Lurinjyoti Gogoi-i tokteptsü.

Lok Sabha election nung Barpeta MP Abdul Khaleque melena Deep Bayan shimogo. Deep Bayan ya APCC quick response team nung

zungsem ka lir.

Sonia Gandhi-i Assam Congress President Bhupen Borah nem Sonitpur aser Gaurav Gogoi mesüra Debabrata Saikia-i Jorhat aser Pradyut Bordoloi-i Nagaon nung tokteptsü shidangogo ta osang angazüker.

Lok Sabha candidates:

Jorhat HPC- Gaurav Gogoi Nowgong HPC- Pradyut Bordoloi

Gauhati HPC- Mira Borthakur Goswami

Silchar HPC- Somya Kanti Sarkar

Karinganj (SC)- Hafiz Rashid Ahmed Choudhury

Barpeta- Deep Bayan Dipu HPC- Joyram Engleng Dhurbi HPC- Rakibul Hussain Dibrugarh HPC- Lurinjyoti Gogoi (AJP)

Kokrajhar(ST) HPC- Gorgan Mooshahary


Darrang/Udalguri- Madhav Rajbongshi Lakhimpur HPC- Uday Shankar Hazarika

Sonitpur - Prem Lal Ganju Kaziranga HPC- Roselina Turkey/Manoj Dhanowar



Assam kübok Dima Hasao district nung yimtsüng 28 nung alirtemi Mongulbarnü lungkak aitba sentong ka agidang tangokba noksa angur. Haflong kübok Nrimbanglo aser Harangajao tsüngda National Highway-27 (NH-27) yangluba ajanga yimtsüngtem dak kongshir. Iba sentong ya Indigenous Students Forum (ISF), Indigenous Women Forum (IWF) aser NHAI Affected People's Forum ajanga ayongzüka agi. North Cachar Hills Autonomous Council (NCHAC) Principal Secretary aser Damage Assessment Committee (DAC) chairman Debananda Daulagupu-i nangzükba sülen lungkak aitba sentong anen. (Haflong, March 12)

Ariel Henry-i Haiti ato kilonser menden azüngtsüogo



Port-au-Prince, Metsüremi/March 12 (Agencies): Haiti Ato Kilonser Ariel Henry-i pa mapu nungi anentsü atema resignation shiti agütsüogo aser linük mepetmesü tulu nung aliba mapang nüburtem dang sünjemshitsü mepeshia metedaktsüogo.

Hombar aonung jongdak senden ka ayongzüka amenba sülen arishi küm 74 tain lenir yagi pa mapu nungi atsüngintüsü ta sangdongogo. Haiti nung ozüng alema inyaksangshiba teloktemi tesem balala aziöka Henry dang PM mapu toktsütsü takhangba agütsüba sülen hopta ishika azütokshi lendong tulu ataloka linük mepetmesü tulu nung lir.

Jamaica nung senden ka amenba sülen Henry-i sorkar yakta melenteptsü asoshi ayongzükogo. 2021 küm taoba tir teppetba sülen Henry ya election magi PM kümä liasü.

"Sorkar mapu melenteptsü atema council ka amenokba sülen ni aniba sorkar tangsa tang anentsü," ta Henry-i ashi. "Ni Haiti nungertem dang sünjemshitsü aser yimzung aser linük tamendakdak raksar aliba takaratiba nung yanglushitsü atema takokba tashi inyaktsü ayongzüker," ta paisa shisem.

Ozüng alema inyaksangshiba teloktemi amokmerenba sülen lenir ya tang Puerto Rico nung jenoka lir. US ketdangsür tejen kati

ashiba agi, pa iba tesem nung kobika liner lidaktsütsü mesüra koleni oner odaktsütsü, ajistiaka pa Haiti-i meypa aotsü atema linük nung tensa tajungba akümtsü nüngdaker.

Februruary ita Henry-i linük toktsür aoba sülen Jimmy "Barbecue" Cherizier-i anir ozüng alema inyaksangshiba telok teloktep kati linük nung mepetmesü tulu adokdaktsü. Henry ya Kenya-i aniba bendanger police tem teyari meshitsü atema linük toktsür oa liasü, koba sorkari ashiba agi, election agitsü atema tensa aziöksü asoshi kanga nüngdaka lir.

Henry shiba Tir Jovenel Moise 2021 küm teppetba sülen Ato Kilonser kümä liasü, pai mapu metoktsüra item teloktem yagi linük nung civil war aser genocide tenzüktsü ta amokmerenogo.

Haiti nung tang mepetmesü tulu adoka azütokshi, rakzürakdem agi sünger lir aser ayawara agi meneptsü ana nung lir.

Caribbean Community (CARICOM) regional lenirtem jongdak senden ka ayongzüka menogo, kong sorkar melenteptsü atema sensaksemogo. US-ia iba inyakyim takaratiba nung benoka inyaktsü mepeshia arudar, kechiyong election agitsü aiben athiba ajanga ozüng alema inyaksangshiba

lokti tentettemi mepetmesü tali adokdakja arudar.

Henry, shiba Haiti nung alir aikati ochimashi lenir ka ama züngshir, pa iba senden nung maden, koba ki shibanger agia liasü. Associated Press news agency-i ashiba agi, Henry indang office otongdar-ia iba dak sendakba nung kecha telangzüba magütsü.

Ato Kilonser ya February ita mapa nungi anentsü liasü. Linük nung mepetmesü tenzükba mapang pa linük nung maliasü aser Dominican Republic-i aitsü memelaba sülen taoba hopta Puerto Rico tongogo.

Guyana tir aser tang CARICOM mendenbuba Mohamed Irfaan Ali-i ashiba agi, Haiti nung yimzung bener arutsü aser tamendakdak raksar aliba yanglushitsü atema iba jongdak sensaksem ya ayongzüka agiogo. Haiti ya Western hemisphere nung linüktem rongnung sensaktiba lir.

Iba senden nung US Secretary of State Antony Blinken-ia shilem agia liasü aser pai linük nung tensa aziöksü atema United Nations-i nongitba sepi telok ka asoshi USD million 100 aser humanitarian assistance million 30 agütsütsü tenangzüba agütsüogo.

Blinken-i ashiba agi, Haiti aser parnok temeket nung aliba linüktem atema iba senden ya kanga tongtibang liasü.

Kasa mapang nung US-i, sorkar melenteptsü atema CARICOM aser Haiti nung ken o dak sendaka alirtem longjemer board-based, independent presidential college ka tentettsü atema benokdangogo.

Iba lokti tentet nung observer ana, vote agütsüpur züngsem tenet, kong coalitions, private sector, lokti tentet balala nungi representative tem aser tamangba yimsü lenir ka densema alitsü.

China, Iran aser Russia lungjemer joint naval drills tenzükogo

Beijing, Metsüremi/March 12 (Agencies): China, Iran aser Russia tzüyim sepaitemi Gulf of Oman nung joint drills tenzükogo, aser ibai küm ishika tsüngta linük asem mitkartem lungjemer exercise agiba pongububa alitsü.

Israel-i ita trok tashi Gaza makyonga arudang aser ibaji langzüa Yemen indang Houthi telungpuri Red Sea nung rong tem amakba mapang ka nung Mongulbarnü iba sentong ya tenzük.

Iba military exercise ya Hokulbarnü tashi alitsü aser yangji warships aser aviation densema lir aser "maritime economic activity" kumziuka ayuba nung rangloker inyaksangshitsü, ta Russia indang defence ministry ajanga ashi.

Osang kar ajanga ashiba agi, Varyag cruiser-i anir Russia indang Pacific Fleet ya Iran nunger rongnendak Chabahar

tesem Hombarnü tonga aruogo

aser iba drills nungya Azerbaijan, India, Kazakhstan, Oman, Pakistan aser South Africa navy temi 'observer' ama alitsü.

"Maritime Security Belt - 2024" ta nüngja agüja aliba drills ya regional maritime security küleme anepalutsü nükjidong nung lir, ta China indang defence ministry-i ashi.

"China-i iba exercise nung shilem agitsü atema guided-missile destroyer Urumqi, guided-missile frigate Linyi aser comprehensive supply ship Dongpinghu yoktsü, ta ministry ajanga sangdong ka nung ashi.

Iran indang state media-ibo international maritime trade indang security tashi itshtüsü, tzüyim nung rakzük-raktemertem aser kiralongrartem samatsütsü nükjidong nung iba exercise ya agir ta parnoki ashir, koba aikati Russia dang ashir amai angateter.

NATO-i pei litsü-likä wazüka ayutsü tashi sayutsü tebilemba nung iba exercise ya agir ta parnoki ashir, koba aikati Russia dang ashir amai angateter.



Office of the
Akhoya Shisaluyimer Telongjem

Mokochung Unit

TENÜNGSANG AGÜTSÜR



MEYISUNGIT LONGKUMER

Akhoya Shisaluyimer Telongjem Mokochung Unit ajanga Mr. Meyisungit Longkumer, S/o Lt. Imtiakum & Mrs. Ladongrenla, pai NPSC-3/CTSE 2023 tatidang nung Rank 1st Veterinary Assistant Surgeon Under Animal Husbandry and Veterinary Service Department nung takok tulu ngua khonang nüng sang bener arutsü nung pa nem tepela tenüngsang yimyim ayimoktsür.

Tsüngremi pa taküm aser wadang ajak nung maneni moajangma.
Sd/-
Y. Imtiakum Jamir Tir

Sd/-
Opangnenla Jamir Tongti Zülur

OFFICE OF THE YAONGYIMSEN LIDEN SEMCHIR ILLANGTSÜR TELONGJEM KHONANG ASER TETUSHI AGÜTSÜR

Yaongyimsen Liden Semchir Illangtsür Telongjem ajanga sarasadembra Tsüngremi langzüa Mr & Mrs. Merenlemba Imsong-er Jala Miss. Watisena Imsong-i nendaka inyakba ajanga taküm 2024 küm NPSC tatitang nung Agri. Inspector Under Agriculture Department nung jenjang tulu ajangzüketog, iba asoshi Tsüngrem tenung asanger aser Jala nem khonang aser tetusur agütsür.

Maneni teyanglur Tsüngremi la wadang temaba nung ajungketa moajang ta Yaongyimsen Liden Semchir Illangtsür Telongjem sarasadem.

Sd/-
President
Takasangla Imsong



Sd/-
Secretary
Lanuinla Imsong

WOKHA AOR TELUNGJEM



Golden Jubilee
1974-2024
SENTONG

Anogo : March 15, 2024 || Mapang : 11:00 AM
Tesenepdak : Likya Community Hall, Wokha

Omen : "Twangwang Mitkar"

Tongti O Jembir : Shri. Nokchasashi Joint Secretary, Health & Family Welfare Kohima : Nagaland

Sentong lenir : Sp. Lanuwapang & Kr. Tiarenla
Sentong lapokba : Wokha Ao Kaketsir Telungjem

- | | | |
|-----------------------------|---|---|
| 1. Kü linük nü meyong | : | Rev. Ngangnen Longkümer Pastor, Wokha Town ABA |
| 2. Sarasademsü | : | Wb. Nato Imchen Tir, Wokha Aor Telungjem |
| 3. Lokti pela-a agizükba | : | Mr. Chubawati Longchar President, Ao Senden, Mkg. |
| 4. Tepela O | : | Mr. I. Yanglu Jamir Sanen Luden, Wokha Aor Telungjem |
| 5. Jubilee nüngö kaket saya | : | Wb. Obendangba Convenor, Souvenir Committee |
| 6. Temeja Ken | : | Wokha Watsü Telen |
| 7. Tongti O jembir | : | |
| 8. Melepzung O | : | Wb. Limatangit Lemtur Tatong Tir, Wokha Aor Telungjem |
| 9. Tatem Sarasadem | : | Telok |

LOTTERY ASAYABA ANOGO THINENER

Trained Nurses Association of India, (TNAI) Nagaland Branch-i Golden Jubilee benjungmong atema March 15, 2024 nü Lottery Draw ka asayatsü aliba koda masüba timtem kar ajanga April 24, 2024-i thinenba osang metedaktsür.

Sentong melenshiba atema sasaa bilemer.

PLANNING-CUM-FUND RAISE COMMITTEE
TNAI Nagaland Branch, Golden Jubilee

5 Buba Mokokchung Inter-Ward Football Tournament tanü tenzükogo



Tanü 5 Buba Mokokchung Inter-Ward Football Tournament mezüngbuba asaya Artang Ward aser Marepkong Ward asayatsürtem den tetushi tejaoker Wb. Mangyangnungba aser achayangertem küleme tangokba noksa nung angur.

Mokokchung, March/ Metsüremi 13 (TYO): Marepkong Youth Association-i (MYA) ayongzükba 5 Buba Mokokchung Inter-Ward Football Tournament tanü Imkongmeren Sports Complex nung "Rise As One" ta asüba omen nung rangloker tenzükogo.

Tanü iba asayamung NDPP Mokokchung Region Tir Wb. Mangyangnungba tetushi tejaoker süa kanga dang achaketketa tenzükogo.

Marepkong Youth Association-i küm ishika tejaklen nungi Mokokchung nung lanurtem football asaya

nung anitetsü mangdang tulu nung timtem jenti agia iba asayamung ayongzükba asoshi tepelaba metedakja ashi.

Paisa football asaya ya alima nübur ajaki meraba asaya ka lir, anungji iba asaya nung temulung agüja asayaba aser ano iba football asaba maparen nung temulung agütsüba ajanga tajangzük jenti agitetsü lenmang sadem sadema lir, aji asünung iba football asayar, achayanger, tereprangertem aser nübur ajaki temulung agütsüla ta ayongzükba jembi.

Iba asayamung nung Mokokchung ward 18 nungi

ward 13 aruagi shilem agidagi aser iba asayamung tanü tenzükba ya March 23 nü tembangstsü.

Sentong nung Wb. Marnungsang Ao, Mongsenbai Ward Chairman-i tayongzükba o jembi aser tarur pela agizükba o Wb. Bendangsüne paja jembi lemsatepa liasü. Asayartem tenangzükba Wb. Takalong Pongan, MYA Tir ketdangsüba nung agi aser Police Baptist DEF Pastor Wb. L.Temjen-i sarasadema tenzükba den Talinaro aser Supongtila tena ketdangsüba nung sentong kanga dang takokma nung agi.

Indian Wells Open: Luca Nardi-i Novak Djokovic tsükdaktsüogo



Metsüremi/March 12, 2024 (Agencies): Qualifying nung lucky loser Luca Nardi-i errors 41 mena liasü. Tena Hombarnü ATP-WTA Indian Wells Masters tebur kija asaya nung world number one asayar Novak Djokovic 6-4, 3-6, 6-3 agi kokogo.

Italy nungi world number 123 asayar ya Masters event nung asaya 11 tashi tamakok ngua aruba sülen tang Djokovic koka takok ngutetogo.

Tena tsüngda tasembuba set asayaba mapang arishi küm 20 tain Luca Nardi-i Djokovic indang serve ka break süa pa 4-2 agi tejakkang aküm aser game asem asayaba sülen pai asaya koka liasü..

Italy nunger asayar yagi winner 36 angu aser unforced nung Grigor Dimitrov den asayatsü.

Nardi ya asayar ka masayatetsüsa akümba sülen Indian Wells nung main draw-i ai. Pa tatembangbuba qualifying round nung Belgium nunger asayar David Goffin-i tsükdakja liasü.

Hombarnüsa seventh seed Holger Rune-i 6-2, 7-6 (7/5) agi Italy nunger asayar Lorenzo Musetti kokogo. Kasa mapang nung fourth seed asayar Daniil Medvedev ia kanga meranga asayar Sebastian Korda 6-4, 5-7, 6-3 liasü.

agı kokogo. Pa taruba round nung Grigor Dimitrov den asayatsü.

Norway nunger asayar Casper Ruud-ia 6-2, 6-4 agi France nunger asayar Arthur Fils kokogo.

Tetsür kija asaya nung 2018 küm iba asayamung koker alila Naomi Osaka 7-5, 6-4 agi Elise Mertens-i tsükdaktsüogo, shiba Gauff den asayatsü.

Tetsür asaya nungsa Gauff-i 6-2, 7-6 (7/5) agi Lucia Bronzetti kokogo aser Australian Open tarep asaya koker alila Sabalenka-i Raducanu 6-3, 7-5 agi koka liasü.

Legends League Cricket 3buba season Sept. ita tenzüktsü

New Delhi, Metsüremi/ March 12 (Agencies): Legends League Cricket tasembuba season India aser Qatar na nung September 11 nungi October 5 tashi asayatsü, ta asayamung ayongertem metedaktsüogo.

Tanabuba season kanga takok ngua asayaba sülen Legends League Cricket asayamung nung taküm linük ana nung asaya 34 asayatsü.

Iba mapang tsüngda nung cricket asayamung tongtibang kecha maliba ajanga iba asayamung reprangtsü atema nüburtem kanga yongyatepa adar, kong nüngtugu asayartem aikati shilem agiba angutsü.

Taoba küm asaya 19 asayaba mapang asaya tasentem Draft Pool indang yakta metedaktsütsü.

NESA-i North East Games atema takok marok sayaogo



Dimapur, Metsüremi/March 12 (TYO):

North East Sports Association-i taruba North East Games 2024 atema takok maroktem sayaogo, koba NE nung saisapong dak sendakba nung tongtibang alizüng ka tongtetba asütsü.

North East Games 2024 takok maroktem ya kanga junga asadanger North East nung aliba state tem telongjem, diversity, aser sporting prowess tem temulungdang yur yangluogo.

North East Games 2024 ya March 18 nungi 23 tashi Nagaland kubok district balala nung asayatsü renema lir.

North East Games 2024 dak sendakba nung osang balala agitsü atema Facebook: Nagaland Olympic Association; Instagram: nagalandolympicassociation; X: NagalandOlympic aser ; YouTube: Nagaland Olympic Association follow asütsü asayamung ayongertem metedaktsüogo.

Asayamung ya telongjem tali adokdaktsütsü aser asayartem asaya reprangertem saisapong tanüla benjungtsü nükjidong nung ayongzükogo.

BILEMDANGANG

"Tajungba maküm tashi takokba tashi tajungba inyakang."